

# 楊氏族譜

上集

一九九九年八月

# 杨氏族谱

上集

一九九九年八月

杨氏修谱理事会编

印刷：广东省平远佳美彩印厂

纸张：787 × 1092 16开本

纸质：70克进口双胶 印数：400本

一九九九年八月编印

非营利性出版物准印证 018号

## 前 言

族谱是血缘关系的纪录。它记载一个家族的发源、迁徙、繁衍的过程。可称谱牒文化。平远《杨氏族谱》自1925年六修以来，距今七十五年。由于年代久远，旧谱失散湮没所存无几。如不及时续编，百年之后会无所依据。为此倡议续编平远《杨氏族谱》。经理事会反复研究，决定把旧谱之竖版改为横版，有些用简化汉字，同时增编目录，将原世系渊源从始祖一世至一百世（有部分八十五、九十九世）的记载一字不变，保持原来面目，编为上集。以后续编为下集。谨此敬告。

杨氏修谱理事会

公元1999年8月

## 序

梅縣倡修族譜始于民國紀元之三年當其時有葉姓者于梅縣治北百祖岡雲岫公墳之來龍處挖掘新墳梅縣叔侄交涉葢事即倡修族譜不惟合雲岫公一脈而重修之即雲岫公兄弟之子孫亦欲合而修之予也因潘姓爭三義始祖妣墳案縣知事依譜牒及各種證據判決為楊氏之墳潘姓時方上訴奔走不遑一聞梅縣叔侄倡修族譜之說咸有實獲我心之慨照丁捐資按譜匯款計共繳交梅縣修譜處者千有餘金而星霜屢易譜牒無成當局者之價值概可知矣幸潘姓爭墳由訟而斗由斗而訟千磨百折我族勝利乃得派人至梅督修房譜雖不敢謂蔚為大觀而宗派相承秩然有序井然有條亦我平遠族人成績之一也吾因之有感矣書曰以親九族九族既睦平章百姓百姓昭明協和萬邦蓋中國之家族為政治之本原有由來也况今日世界種族競爭益見激烈俄為斯拉夫族德為日耳曼族塞與俄同種奧以太子故而與之戰俄知其不敵遂與奧宣戰德與奧之關係亦與俄宣戰兩民族之激蕩演成亘古未有之大戰爭其已事也今我族人受異姓侵凌之餘當如夫差之日申徹于庭也蓋天演公例優者勝焉劣者敗焉貴德尊士明其政刑大國必畏孟氏之言理可取法同譜宗親尚其知之

時

中華民國十四年歲次甲子冬元節平遠縣議會副議長百零一世孫楊際時敬撰

## 楊氏族譜序

譜何以作作譜所以紀世次也世次何以紀蓋自始祖一世至于子孫百世之遠皆譜之譜之雲何貴不紊也不不紊則尊卑昭穆親疏遠近嫡庶支派由此而辨何以辨之凡自始祖以下則有高曾有祖禰有伯叔昆弟分而言之百世子孫無不各有高曾祖 各有伯叔昆弟各有五服輕重之倫能明乎輕重之倫則尊卑昭穆親疏遠近嫡庶支派亦各得其辨而不紊矣若合而觀之子孫千萬人之身無不本乎始祖一人之身也百川一原萬枝一本水木本源之道孝敬之心一而已矣孝敬所由寓彝倫風化之所由關譜奚可不作哉此楊氏所以卷卷譜牒之是輯也楊氏之所宗者亦不敢妄引以誣其先也蓋得歐陽子作譜之遺意焉雖然德厚者福遠本固者末繁其積善累仁非一日矣故所宗者據其所可信也其賢于哭子儀之墓獻梁公之像者蓋遠矣楊氏子孫其尚繼七繩七而勿替者焉

宋左丞相魏國公永春留正撰

## 楊氏宋朝老譜序

嘗因趨庭之暇佩學禮之訓而有得于禮之言曰萬物本乎天人本乎祖人之與物莫非天之所生古之聖賢所謂物以天言人以祖言何也蓋天者物之天而祖者又人之天物不本乎天則自形自色于宇宙之間者孰為之總攝人不本乎祖則以嗣以續于世代之遠者孰為之根本日月之照臨風雨之鼓潤而根荦芽甲得以遂其生者此物之所以同乎一天也開之于前垂之于后而高曾雲有以久其遠者此人之所以同乎一祖也是則人之有祖即物之有天也藉祖宗之澤而無報本之心是忘其祖即所以忘其天也人而忘夫天尚何容于覆載之間哉噫是祖也乃人之所由本也然有所生之本又有所利之本與之于前傳之于后至于所生而不窮者此所生之本也置于田園貽以基業至于利利而不竭者此所利之本也凡厥有生孰不同有所生之本哉夫既有所生復有所利是則人皆一本而我則二本矣今吾族享祖宗分授之田荷祖宗蒸嘗之利者得非所謂本乎祖之中而復有產業之本也且閭巷小民鄉落農夫無立錫可資而人心天理未嘗不猶存拳匕于春秋祭祀之日吁彼不忘所生之本也而念祖之誠且若是也已承祖宗積累之本又有祖宗產業以為憑藉之本俾昌俾熾得所本于立業肇迹之余而不饑不寒又得本于仰事俯育之際而報本之心宜何如哉揚之族始自弘農分出號邑徙于吉州遷于興國上世祖宗墳瑩山川間阻不得挂掃惟唐朝始祖朝議大夫官粵寓梅遂立家焉生三子長諱思孝次諱思恭三諱思聰分為三房厥后奕葉相承又分為六房而始祖則六房共之然三房所輪之蒸嘗則有西洋六石六斗酒米之田六房所輪之蒸嘗則有鄭均灘頭一仟餘秤之稅以西洋為蒸嘗所祀者百祖崗五龍崗此則三年一收而吾之三房各有與焉鄭均灘頭為蒸嘗所祀者灘頭合葬之曾祖參軍黃氏夫人也此則六年

一收而六房各與其一焉使后之孝子順孫念祖宗締造之艱難無負前人責望之美意收其租稅祀其墳塋食其蒸嘗追其忌諱由長及幼已終復始雖萬世不能變也夫何子孫弗念厥紹任己私意壞昔良規為一時便急計利之謀而不思祖宗貽厥孫謀之道以六石余米為大寡每年諸房所收僅獲升斗之利故蒸嘗之典因所得之鮮而不舉固可責也若鄭均灘頭一阡余畝之稅為大多六房糾集則其勢不得以祀親今則吾族之衆昭穆尊卑莫不皆有一定之序矣繼自以往務宜各協親愛之情明宗族之義收其租稅祀其墳塋毋得以大陵小以尊欺卑患難則相恤緩急則相周味百世不遷之言而服膺乎蘇公族譜之訓使孝弟之風藹然如春風和氣之不掬豈不美歟豈不美歟

大宋淳熙八年戊申歲恩進士十三世孫文富記

## 楊氏明朝老譜序

嘗謂參天之木必有其根懷山之水必有其源人之有祖亦猶是焉昔吾族之居梅也由宋迄今世濟其美稱著姓焉宋末族繁星散東西幸賴我祖由參軍公至先高如穆公自曾祖斌孫公祖清軒公伯父樹齋省齋震齊祖興房房子孫日加繁衍舊業亦頗增益而畊自足者是皆祖宗餘慶之所暨也豈敢忘其所自哉吁天運一氣以育萬物故生生而不窮人原一祖而分九族故繩屨而永久何今之人族譜不修蒸嘗不舉或遺其宗緒者多矣是以士之生于百世之下欲推其所來而親睦其宗族者慨不悉由不過自養自有而族之孝弟雍睦名分親疏之類茫然不知嗟哉鳥俛而喙獸走而娛猶且徘徊顧群尚恐外物之害可以人而不如禽獸乎是以慨然以祖宗親族為念上自高曾以下類編成圖貽我后裔以寓羹牆之思焉俾吾后之若子若孫序親疏別長幼披斯圖讀斯記究高曾以上之遠親知根乎一氣極祖父以來之遠族知本乎一源使奉先之心油然而生則孝弟雍睦忠厚惻恒之念庶幾由此而興矣斯則信所切望也僅言以為記

時

大明永樂十五年丁酉歲花朝月吉恩進士文林郎晉江令十八世孫宗信記會同世稱三楊大修東閣大學士兼翰林院編修楊士奇校正東閣大學士戶部尚書楊榮參訂東閣大學士工部尚書楊溥纂定士奇公一部蒙 聖恩親蓋玉印

## 楊氏三修族譜序

國家書史所以志夫前聖賢山川秀景歷萬古彌久彌明也編集家譜所以載其先高先曾爵德謚葬千萬年傳于可知也我祖寶公積德兆三鱗之集震公卻金存四知之畏就粵始祖雲岫十一世祖南珍十六世祖清軒修德敦行各沾佛仙之相土二世祖思聰榮登科甲隆膺宋帝之魏擢三世四世來民社數任五六世下師表壘居侯公恩擢指插才兼春官司馬屢叨綸音寵錫誥敕是司調和御膳及今在州科甲接踵或莫有限分枝潮府之鍾岳提學福建移過惠州之復所捷至三公遷居大埔之之徐人文鼎盛移徙瑞金之以謙科甲聯輝所以千百年后世世相傳愈昌愈熾也若非譜牒何以概悉乃由敬祖愛宗之心殷纂集族內木本水源之派展譜以披閱子姓渙散儼若同堂爵德行能悉爾炳如生卒謚葬莫不了然允矣子姓大觀誠哉世家至寶令孝順孫景儀型則效之美力行善舉式芳思齋造祠可以利濟千萬家修譜可以奠安千萬人令復繼纂殘闕無虞俾千枝萬派歸于一本也適我始祖雲岫公原葬福建南岩古佛易葬百祖崗安祖牌爐于寺佛拔指甲并葬于祖左譜碑兩徵乾隆四年己未歲五月間岩僧報覺稱始祖牌爐被失何姓纂入木主控官斷復蒙署縣主許老爺合張老爺飭令安回祖牌以垂永久斯則我祖靈爽所致古佛所使也爰是史志固與日月而長明我家岩譜亦與天地同永久矣是為序

世孫永年同以順琳生述記是時也重鼎嘉應州東門外下溪祠于雍正壬子冬曾集通族復修宗譜安岩牌一舉三成

## 楊氏續族譜序

嘗觀邑之有志則一邑之人物山水顯然可觀家之有譜則一家之賢愚富貴了然可采夫邑之有志家之有譜從來尚矣倘家之譜不立則一本之根源無由考譜之序不編則尊卑之等級無由彰故編譜所以俾后之人觀賢者生其景仰不肖者凜其鑒戒則祖宗之功德丕著一家之世系昭然雖千百年以下一覽而宛然在目矣雖然前人之作是譜也豈無深意于其間哉惟冀后代子孫飲芳泉要思其源鏗香黍要思其根祖有鄉井欲知其故土而莫忘祖有墳墓欲知其祭祀而修飾祖有居業欲知其整創而丕承祖有親戚欲知其情義而款洽故舊以相和內外以相親患難以相恤疾病以相扶死喪以相吊喜慶以相賀臨財毋苟得臨難毋苟免無以養小失其大體無以用心害其大義由是而行之則一家之政修匕則枝不亂本本不亂末雖世遠年湮而尊卑不窳一展卷而知木本水源之所由來而孝弟之心亦可油然而生矣譜之編修曷容已乎允若此光前啟后之述上天無不降祥子孫無不吉昌凡族之君子其可不修族之譜乎族之譜不修安可語于治人而不貽譏于他人耶故言以為序

太子大保兵部尚書兼都察院右都御史總督淮揚漕運等處地方海防軍務楊錫紱方來氏并翰林院侍講楊述同立

## 楊氏四修族譜序

修譜之道貴因乎其時蓋時之為義大矣哉春夏秋冬時也而飛潛動植莫不範圍不過曲成不遺仰觀俯察亦誰非因時以為轉移者時之為義誠大矣故修譜之道不隨乎其時可宜于古不宜于今其何以序昭穆于合宗而聯親疏于通族也故前朝之譜自唐宋以迄元明譜各異致而本朝之譜則又為之一新時之所在修輯隨之而后裔者弗知也我上祖聰明睿智心源直接洙泗姓譜國史捧誦閑暇近有宗譜體式歐蘇惟優倚歟休哉人生斯世何其幸也余又仰慕綸音而纂修其脈絡貫通者約一百一十餘代命族髦士輩誦讀觀覽雖其間派各不同而世系昭穆兼備血脈流動大抵親疏之中寓以尊卑尊卑之中寓以昭穆昭穆之中寓以和睦不尚強陵不夸富貴不以遠近為同異不以聚散為憎喜繁者去陳者弃而非正直一脈者不與焉總之求合時宜俾閱者心曠神怡而已縱微有刪削剪裁以坐井之見參于其中然亦裁成輔相不使寒暖燥濕或愆其時之意耳因名之曰族譜使讀者得是譜而有得焉而于以序昭穆于合宗聯親疏于通族可操券而得矣是為序

御前侍衛楊動鑒定時乾隆壬辰歲菊月穀旦。

## 楊氏續修五次族譜序

嘗謂君親有常尊故孝親與忠君并重家國無異致國史與家譜同隆詩書首敦乎忠孝立身莫先于敬愛極權宇內之人有一本于父母宗祖者乎有父母則有父母之父母有宗祖則有宗祖之宗祖由千百年以上而追朔之則又有始祖所由來雖其間有大宗小宗之不同共房各房之或異而究其實則萬卉同根千流共派其可因服審情盡之說而遂漫然置之乎然而祖宗無永存之日父母無長在之理前人面目難再見于今時先世遺徽徒追思于昔日明發長懷蓼莪可奈何則必為之考世系別遠近俾功德不致湮沒而無傳也然后可源遠則流長根深則枝茂后裔昌熾南北分居嗣孫蕃衍東西异住或邂逅同言宴筵共飲竟不知孰叔孰侄誰兄誰弟可奈何則必為之序昭穆聯渙散俾同根不致漠視于涂人也然后可此果何道使功德無湮沒之悲同根無涂人之嘆則族譜之修不容緩矣此余所以為吾楊氏之譜不得不聚吾族而聯吾派也關西弘農發祖巨族也始蕃衍于梅州遷居于各邑名望隆邱山富貴鼎甲第余何容慮但念我各房族衆居住桑梓流寓異域遠近不一使不有譜牒雖近世亦不能考吾楊譜先既屢輯于前而茲復續修于今獻因諸族長之詞命慨譜牒之未全仔攜家乘遠稽近考多識備參涉履山川囊空不怨箭越險阻饑寒弗尤勞不憚煩寐不遑暇冒歷猛電迅雷櫛沐暴雨烈風炎冽冬夏披戴夙夜不可勝計如是者五年在外而后大宗小宗共房各房萬卉同根千流共派井然可曉又何慮乎世系之不明親疏之難別昭穆之不辨渙散之不聯哉

時

乾隆五十年中秋月庚子科舉人楊壯猷撰

## 鱣堂楊氏源流舊譜序

楊氏本周姬姓周武第三子叔虞成王剪桐葉為珪戲之曰以封汝周公入賀王曰戲也周公曰天子無戲言于是封叔虞于唐傳至晉武公生伯僑僑四世孫諱肸字叔向為晉大傅生伯石字食我食采于平陽府之楊邑遂以楊氏石初生時叔向之母聞其聲曰此兒必敗吾家后為上卿黨于祈盈晉君罪之其子孫有逃于華陀山谷中者至十一世戰國時而有章為秦繼東大將軍是章為華陀楊氏始祖也章生款字大初為秦上卿款生碩字宏遠逃秦不仕見五星聚東井曰吾家必興矣漢高祖入關見于灞上舉為大史乃生喜字幼羅佐漢擊項羽有功封赤泉侯謚曰嚴威三字孫曰敞字君平昭帝時助立宣帝有功進為丞相封安平侯又三世至寶字淵雅又曰維周逃奔不仕世祖高之明帝三詔不出號徵君謚靖節先生有黃雀銜環之瑞曰保此世代作三公乃生震匕生秉秉生賜匕生彪果四代皆作三公震字伯起文行蓋世學者稱為關西夫子官至大尉而為四知辭金以忠孝清白傳于家第二子曰奉為城門校尉中書侍郎奉八世孫曰結仕慕容氏為山中宰相結生繼繼生暉為洛州刺史暉生恩為河澗大守恩生鈞為魏朝越國公謚曰恭鈞七世至隱朝為郤陽令隱朝生燕容為臨安令燕容生寧仕唐為國子祭酒移家弘農稱弘農楊氏寧生虞卿官至大師乃生堪為太子少保堪生承休為員外郎自章至此三十四世天初奉命使吳越值行蜜作亂道阻不得歸弘農遂家錢唐吳越拜為左東議大夫其子嚴后為禪丞相嚴長子鬱為尚書左丞相鬱生蟬后歸太宗為觀峰使東議大夫禪生文友知建章軍事文友生輅先仕南唐氏為虞部侍郎后歸宋刺吉州因家廬陵郡中為廬陵楊氏始祖也生九子長曰銳徙吉水楊家莊次曰鋌為海昏令三曰鋒徙吉水泚塘四曰釗移居惠州五曰聳遷居梅州銳之子宏嗣孫延安延規而延安析

居上逕挺之子宏撤匕生延宗延邦又徙居江之南鋒之子宏勛宏烈而宏烈生延祥延慶而延祥字安國選入翰林祥生杰為福州大守后刺延平固家福建延平蔣樂郡中是杰公又福建楊氏始祖也銳之孫其尤顯者邦父子并二孫一家登第者四人謚曰忠襄挺之孫其更著者萬里前后登進士者壹十三人曰文節鋒之孫其更顯者祥父子公孫一門榮登九代魁第謚曰文簡銳四世孫允素又自上逕移居泰和是允素公為泰和始祖也挺之孫食德飲和仍居舊址吳地聳號雲岫賜進士歷官都御史出刺潮陽大守生三子長思孝鄉進士授奉新縣令次思恭由鄉貢任高州教諭三思聰登進士欽賜狀元思孝生三子長安寅生榮字子江自梅遷于江右湖口縣由進士授西鏞州司戶解官因家于州之北廓遂占籍焉即今鏞樂縣榮生二子長勝遠生五子三明生一子植生三子長龜山諱時字中立從伊川先生立雪程門先生曰吾道南矣登宋熙寧進士升龍圖閣學士敕理學名賢從祀孔聖廟迨至九世孫九三郎公兄弟遷于連城楊家坊居住而九三郎生七一郎七一郎生六九郎六九郎生永宣永宣生德輔德輔生善生善生生五郎五郎生三義孝生六益三義生呈旺王寶義達呈政兄弟攜生母抱父骸由連城抵舊治程鄉今為平遠黃畬隔里居住是三義又為平遠始祖也而孝生亦同至黃畬坪石居住六益原居本址至四世孫移住杭邑黃地村今為杭邑楊氏名族也第嗣后有立志卓異欲光先人期裕后裔立基址于吾地者自始祖以至于此凡立居天下四海者不知其幾矣誠哉其詳不可得以盡知也幸有舊譜存焉曰銳孫允素傳至二十一世至仲敬公與士奇同時此后仁其房分鋒公傳至二十世楊炳為相與士奇共署始而念茲厥初詢及族誼果問者同而答者不异乃殷然嘆曰昔所謂同源分派今而知實同源分派也由是思之自吾之祖父以至吾之高祖究極其始孰非周朝受姓之時共為一脈乎思此言大獲于心不覺忻然曰一脈之言果其然乎斯時乃仁其房分明其齒序凡移居异省各縣別府居屬名號出處有不得其詳者

蓋以村近通衢世變不一代遠年湮興籍凋殘前無所傳后無所稽將誰為徵可勝嘆哉使今不以家乘而編載之則其支分派別愈遠愈斷有不識其身之所自來族之所從出其親疏尊卑無由辨而倫序失矣族既不能以聯睦之又何謂之尊祖敬宗也何也蓋凡族姓之始本歡然一父之子也第久之因各祖其祖承先烈而式廊之追其源而朔其本雖南北懸殊而按諸譜以稽悉森然雁序譬之黃河之外千里九曲穿龍門過積石以達于海其始固同然星宿也總之予愧非史才難以修龍門之業吾常取吾鄉雲山家譜倣而師之凡有善可書有行可範以至封贈之榮宦績之著朝廟之典閨壺之章務使犁然畢具而后可也爰是乃集議已定今各持其支派世牒合修輯以成譜凡以紀載其可知者其不可知者俟后有可考而譜之將俾沒者無憾而生者心寧庶不失乎巨家大族之典矣不使后人復咎今人也噫垂不朽者楊氏代不乏人庫溪始祖至今十五世矣盧陵君不知其數矣芷溪始祖至茲二十有餘世矣凡我子姓有能守清白之傳循鉉堂之訓斯無慚于關西之苗裔而有光于斯譜也亦多矣是為序

## 續修譜例

一雲岫公兄弟九人之子孫散處東南各省均為一本之親茲雲岫公裔孫合議在梅修譜其岫公兄弟之子孫亦得依次編入

二大抵譜式多仿歐蘇歐陽永叔依漢年表蘇明允以禮大宗小宗為次吾族譜牒向依蘇式悉從其舊

三傳用直行冠某人第幾子于格首故不注行幾其本人名號及妻妾生卒葬所子女分注本人之下俱照房分由長及幼一房書畢再書一房不以祠派尊卑為列房分即用祖派稱謂（每頁邊旁亦注某房某派以便閱尋）不別立名目取衆易知子思每稱仲尼準之先賢應無害義

四老譜未載生沒者仍其舊近世不知生沒者書失考又有知生不知沒知沒不知生者書未詳夫婦已沒者初娶書妣某氏再則書繼妣某氏夫婦俱存者書配某氏夫存而婦不存婦存而夫不存者亦書配某妾書氏副妣某氏若婚姻已聯而未完配者書聘某氏有子而嫁者止存其姓氏不載死葬亦不注出為親者諱也無子而嫁者不書

五子女無論嫡繼妾生只書其名數于父傳之下示子統于父也但有繼嗣者于生父名下書第幾子出繼某人為嗣于養父名下則書承繼某人第幾子為嗣倘代遠不明或來歷難考者則書嗣子某人

六止而有生卒葬所妣者立傳無者只書于父傳之下各注止匕字幼殤者雖有葬所亦不立傳只書于父傳之下附載葬所亦各注殤字

七各房各支祠屋祖塋原屬前人相定風水艱難創造始能發祥